

Sporazum o snabdijevanju električnom energijom potpisani između Brčko Distrikta i entiteta

Pod pokroviteljstvom supervizora za Brčko, ambasadora Henry L Clarke-a, Vlada Brčko Distrikta i entitetske Vlade su danas u Brčkom potpisale Sporazum o implementaciji obaveza entiteta iz Konačne arbitražne odluke koje se odnose na snabdijevanje Brčko Distrikta električnom energijom.

Sporazum reguliše međusobne odnose iz oblasti pravnih, ekonomskih, tehničkih i drugih značajnih pitanja, vezanih za način snabdijevanja Brčko Distrikta električnom energijom, kao i razvoj prijenosne i elektrodistributivne mreže na teritoriji Brčko Distrikta i bližeg okruženja.

U skladu sa Sporazumom, Brčko Distrikt će osnovati Pododjeljenje za elektrodistribuciju koje će nuditi jedinstvene tarife i nivoje usluga svim potrošačima. Pododjeljenje će biti jedini distributer električne energije u Distriktu i imaće slobodu izbora dobavljača električne energije bilo iz BiH, ili inostranog(ih) dobavljača. Pododjeljenje će raditi pod direktnom kontrolom Vlade Brčko Distrikta do uspostavljanja nezavisne nadzorne/regulatorne agencije ili komisije.

Sporazum takođe rješava sve nesporazume finansijske prirode koji su nastali na osnovu električne energije isporučene Brčko Distriktu.

Za detaljnije informacije molimo vas da se obratite Suzani Pejčić, osobi zaduženoj za odnose sa javnošću OHR-a Sjever na telefon 049-205-666 ili 066-133-526.